

Allannguutissatut siunnersuut:

Siunnersuut: Unammilleqatigiinneq pillugu Inatsisartut inatsisaat nr. xx af xx 2007-imeersoq

Aappassaarinninneermut Naalackersuisunit saqqummiunneqartoq.

§ 12-mut

1. Imm. 2 imatut oqaasertaqassaaq:

"Imm. 2. Tapiissutit imaassimappata peqqussuteqartoqarsinnaavoq:

- 1) toqqaannartumik toqqaannanngitsumilluunniit unammilleqatigiinnerup equtinissaanik siunertaqarpat imaluunniit kinguneqarpat aamma
- 2) pisortat aqutsinerat naapertorlugu inatsisinik unioqqutitsineruppat. "

§ 13-imut

2. Imm. 2 imatut oqaasertaqassaaq:

"Imm. 2. Kommunit Unammilleqatigiinnermik Nakkutilliisoqarfianit sioqqutsisumik neriorsuummik piniarnissamik pisussaaffeqarnerat pillugu naalackersuisut, Unammilleqatigiinnermut Ataatsimiititaliamiit oqaaseqaammik pissarsiniareernikkut, malittarisassiussapput kiisalu malittarisassiussallutik kommunini nakkutilliisoqarfiit Unammilleqatigiinnermik Nakkutilliisoqarfiullu akornanni suleqatigiinnissap aaqqissuuneqarnissaannik."

§ 15-imut

3. Imm. 1 imatut oqaasertaqassaaq:

"Pisortat ingerlatsinerat pillugu paasitinneqarsinnaatitaaneq pillugu inatsisartut inatsisaat inatsit manna malillugu sulianut atuutinnigilaq, taamaallaalli atuullutik suliat malittarisassat aalajangersarnerannut tunngasut ukua malillugit: § 2, imm. 7, § 4, imm. 2, § 7, imm. 6, § 8, imm. 2, 2. pkt., § 9, 2. pkt., § 10, imm. 1, § 11, imm. 6, § 12, imm. 4, 2. pkt., aamma imm. 6, 2. pkt., § 13, imm. 2, § 14, imm.2, § 17, imm. 3 aamma § 25, imm. 3. Taamaattoq pisortat ingerlatsinerat pillugu paasitinneqarsinnaatitaaneq pillugu inatsisartut inatsisaanni § 4, imm. 2 aamma § 6 Inatsisartut inatsisaat manna malillugu sulianut atorneqassaaq. 1. aamma 2. pkt. aamma atuutissapput paasissutissat Inatsisartut inatsisaat manna atorlugu paasissutissat pissarsiarineqartut aqutsisoqarfimmu allamut tunniunneqarsimatillugit. "

§ 17-imut

4. Imm. 1 imatut oqaasertaqassaaq:

"§ 17. Unammilleqatigiinnermut Ataatsimiititaliap nakkutigaa Inatsisartut inatsisaata matuma Inatsisartullu inatsisaat malillugit maleruagassiat malinneqarnissaat, taamaattorli takukkit § 2, imm. 4,1.pkt. aamma § 12, imm. 3, 1. pkt. Unammilleqatigiinnermut Ataatsimiititaliap suliaq nammineerluni, nalunaaruteqareernikkut imaluunniit naammagittaalliortoqarneratigut, suliarisinnaavaa. Unammilleqatigiinnermut Ataatsimiititaliap aalajangissavaa suliap misissornissaanut aalangiiffiginissaanulluunniit naammattumik patsissaqarnerseq, tamatumani ilanngullugu suliap suliarinera unitsikkallarnejassanersseq unitsinneqavissanersorluunniit. Aamma Unammilleqatigiinnermut Ataatsimiititaliaq aalajangersinnaavoq suliaq suliariniarnagu suliffeqarfiit § 20 malillugu siusinnerusukkut neriorsuereersimappata."

5. Imm. 2-mi aamma 3-mi "ataatsimiititaliaq" imatut allangortinneqarpoq: "Unammilleqatigiinnermut Ataatsimiititaliami".

§ 18-imut

6. Imm. 1, oqaaseqatigiit pingajuanni, "Ataatsimiititaliami" imatut allangortinneqassaaq: "Unammilleqatigiinnermut Ataatsimiititaliaq".

7. Imm. 1, oqaaseqatigiit sisamaanni, "ataatsimiititaliamilu" imatut allangortinneqassaaq: "Unammilleqatigiinnermut Ataatsimiititaliamilu".

8. Imm. 1, oqaaseqatigiit arfernganni, "Ataatsimiititaliap" imatut allangortinneqassaaq: "Unammilleqatigiinnermut Ataatsimiititaliap".

§ 23-imut

9. Imm. 4-mi "Unammilleqatigiinnermut Ataatsimiititaliap" imatut allangortinneqassaaq: "Unammilleqatigiinnermut Nakkutilliisoqarfiup".

§ 26-imut

10. Imm. 2, oqaaseqatigiinni siullerni, "§ 2, imm. 1" kingorna ikkunneqassaaq: "aamma 6".

11. Imm. 2, oqaaseqatigiinnerni siullerni, "35"-ip siornatigut ikkunneqassaaq: "§".

§ 35-imut

12. Paragraffi imatut oqaasertaqassaaq:

"Inatsisartut inatsisaat 1. marts 2008-mi atuutilissaaq. Taamaattorli § 17, imm. 3 aamma § 18 atuutilissapput 1. december 2007. Inatsisartut inatsisaata atuutilerteratigut Unammilleqatigiinneq pillugu inatsit nr. 28, 30. oktober 1992-

imeersoq atorunnaassaaq

Imm. 2 Unammilleqatigiinneq pillugu Inatsisartut inatsisaat nr. 28, 30. oktober 1992-imeersoq suliat malillugu naammassineqarsimanngitsut Inatsisartut inatsisaata atuutilerneraniit atorunnaassapput. Tamannali atuutinngilaq naammagittaalliutitut kiisalu sulianut eqqartuussivimmiittunut tunngatillugu.

Imm. 3. Unammilleqatigiinnermik killiliisumik isumaqatigiissutit, akuersissutit periutsillu ataatsimut aqqissukkat Inatsisartut inatsisaata atulernerata nalaani atuuttut aammalu § 6, imm.1 malillugu inerteqqutaasut 1. september 2008 tikitsinnagu § 8 malillugu suneqannginnissaq siunertaralugu nalunaarutigineqarsimagunik Unammilleqatigiinnermut Ataatsimiititaliap aalajangiinerata kingornatigut qaammatit pingasut tikillugit ataannassapput Unammilleqatigiinnermut Ataatsimiititaliaq itigartitsigaluarpalluunniit. Qaammatinik pingasunik piffissaliineq Unammilleqatigiinnermut Ataatsimiititaliap sivitsorsinnaavaa."

Siunnersuummut oqaaseqaatit

Oqaaseqaatit nalinginnaasut

Allannguutissatut siunnersuut Naalakkersuisut nammineq suliniuteqarnerisigut saqqummiunneqarpoq.

Piareersarluni sulinermi Naalakkersuisut siunniussaata tassaasimavoq allannguutissatut siunnersuummi takuneqarsinnaasunik allannguutinik aallaqqaammut siunnersuut imaqassasoq.

Allannguutissatut siunnersuummi aalajangersakkat ilai aallaqqaammut siunnersuummiittut assigai. Aalajangersakkat taakku pillugit inatsisip oqaasertaasa allaqqinneranut siunertaq tassaavoq aalajangersakkamut oqaaseqaatini teknikikkut ataasiakkaanik iluarsiinissaq kiisalu nutsernerani kukkunerit.

Allannguutissatut siunnersuut inatsisip teknikikkut kukkunerisiorneqarsimavoq.

Allannguutissatut siunnersuut allaffissornikkut kinguneqassanngilaq.

Allannguutissatut siunnersuut aningaasaqarnikkut kinguneqassanngilaq.

Siunnersuummi aalajangersakkanut ataasiakkaanut oqaaseqaatit

Nr. 1-imut

Allannguut teknikimut tunngasuvoq, oqaaseqaatinik taamaallaat iluarsiiuserusoq, kiisalu nutsernerani kukkunerit.

Unammilleqatigiinnermut Ataatsimiititaliap § 12, imm. 2 malillugu peqqussuteqarsinnaaneranut piunasaavoq, siullertut tapiissummi pineqartumi toqqaannartumik toqqaannangitsumilluunniit siunertarineqartoq kingunerisinnaagaaluunniit unammilleqatigiinnerup equinneqarnera. Aappaattut piunasaavoq tapiissut pisortat aqutsinerat naapertorlugu inatsisinik unioqqutitsinerunersoq. Piunasaasut marluusut tamarmik naammassineqarsimassapput.

Unammilleqatigiinnermut Ataatsimiititaliap nr. 1 malillugu nalilertussaava unammilleqatigiinnermik equititsisumik pisortat tapiissuteqarnersut, kisiannili tapiissut pisortat aqutsinerat naapertorlugu inatsisinik eqqortitsinersoq nr. 2 malillugu naliliisussaallutik naalakkersuisut, imaluunniit kommunip nakkutilliisoqarfia, tak. § 12, imm. 3. Naalakkersuisut naliliinerat pineqartumi naalakkersuisunut ilaasortamit suliarineqassaaq.

Tapiissut § 12, imm. 2-mut ilaappat Unammilleqatigiinnermut Ataatsimiititaliap aamma soorlu Unammilleqatigiinnermik Nakkutilliisoqarfiup tapiissutip unitsinneqarnissaa peqqussutigisinnaavaat. § 12, imm. 2, nr. 1 malillugu piunasaasoq kisimi naammassineqarsimappat Unammilleqatigiinnermut Ataatsimiititaliaq peqqussuteqarsinnaangilaq. Taarsiullugu Unammilleqatigiinnermut Ataatsimiititaliaq siunnersuummi § 2, imm. 5-imi periarfissaq atorlugu naalakkersuisunut tunngavilersorneqarsimasumik oqaaseqaateqarsinnaavoq aamma tapiissutip kingunerisaanik unammilleqatigiinnermik ajoqutaasumik sunniutaasinnaasut uparuarlugit.

§ 12, imm. 2, nr. 1. Unammilleqatigiinnermut Ataatsimiititaliap § 12, imm. 1 malillugu peqqussuteqarsinnaaneranut piunasaq naammassineqartussaq siulleg tassassaaq tapiissutigineqartuni siunertaasoq kingunerissagaalluunniit kalaallit niuerfianni ilaaniluunniit unammilleqatigiinnerup equinneqarnera.

Pisortat tapiissutaanni pineqartumi siunertaassaaq kingunerissalluguluunniit unammilleqatigiinnerup equinneqarnissaa. Tamatuma kinguneraa tapiissut unammilleqatigiinnermik equititsivissoq aamma tapiissut unammilleqatigiinnerup equinnissaannaanik siunertaqartoq ilaassammata. Allatut oqaatigalugu piunasaangilaq kalaallit niuerfianni ilaaniluunniit tapiissutip kinguneranik unammilleqatigiinnerup equitaaaneri malugineqavissimanersut.

Unammilleqatigiinnermut Ataatsimiititaliap nalileruniuk tapiissummi siunertaasoq kingunerissaneraaluunniit kalaallit niuerfianni ilaaniluunniit unammilleqatigiinnermik equititsinissaq, Unammilleqatigiinnermut Ataatsimiititaliap kisiisa nalilissanngilai imaaliinnaq siunertaasut imaluunniit tapiissutip imaaliinnaq kingunissai, aammali pisortat tapiissutaanni toqqaannangitsumik unammilleqatigiinnermik equititsineq siunertaanersoq toqqaannangitsumilluunniit kinguneqassanersoq.

Tapiissutit unammilleqatigiinnermik equititsisut:

Paasinnittaaseq danskit periaasiannit isumataajuvoq, taanna malillugu piunasaasut ilagalugu pisortaqarfik inatsisit uniorlugit tapiissuteqartoq, tapiissutip unammilleqatigiinnermi piunasaasut equykkai equteratarsinnaagaaluunniit. Tassalu naammappoq tapiissut patsisaalluni unammilleqatigiinni equinneqaratarsinnaasoq. Taamaalliluni paasinnittaaseq inatsimmut siunnersuummi § 6-imit allaaneruvoq, tassanimi unammilleqatigiinnermik killiliineq inerteqqutaammat. Taamaatumik tapiissuteqariaatsip unammilleqatigiinneq equitissinnaavaa unammilleqatigiinneq killilerneqartutut oqaatigineqarsinnaatinnagu.

Akerlianik tapiissut aallaqqaatitut unammilleqatigiinnermik equititsisutut isigineqassanngilaq piunasaasut takulertoruminartut, arlaannaalluunniit illersuinerunngitsut immikkoortsiterisuunngitsullu tunngavigalugit neqeroorutaaguni.

§ 12, imm. 2, nr. 2. § 12, imm. 1 malillugu peqqussuteqarnissamut piunasaavortaaq pisortat tapiissutaat unammilleqatigiinnermik equititsisoq pisortat aqutsinerat naapertorlugu inatsisunik unioqqutitsinerusoq. Pisortat aqutsinerannut tunngavissaqarneranik naliliisuussapput naalakkersuisut, suliariaatsimilu naalakkersuisoq pineqartoq imaluunniit kommunimi nakkutilliisoqarfik, tak. § 12, imm. 3.

"Pisortat aqutsinerat".

Oqariaaseq "pisortat aqutsinerat" inatsimmut siunnersuummi § 2, imm. 2 naapertorlugu paasineqassaaq. Tamanna imatut paasisariaqarpoq paasinnittaatsimut ilaasut inatsisartut inatsisaat, inatsisartut peqqussutaat, nalunaarutit, missingersuusiornermut malittarisassat nalinginnaasut, uppersaatitut allakkiat aamma kommunit pisinnaatitaaffiata iluani aalajangikkat kommunillu malittarisassiaat. Kommunalbestyrelsit aalajangigaannut naligititaapput kommunit ataatsimoorfianni siulersuisut aalajangigaat, tak. Kommunit inuussutissarsiutini il.il. aningaasaliinermikkut inuussutissarsiutininik ineriartortitseqataanissaminnut periarfissaat pillugit Inatsisartut inatsisissaat.

Nr. 2-mut

Kommunit Unammilleqatigiinnermik Nakkutilliisoqarfianit sioqqutsumik neriorsuummik piniarnissamik pisussaaffeqarnerat pillugu naalakkersuisut malittarisassiornissaat sioqqullugu Naalakkersuisut Unammilleqatigiinnermut Ataatsimiititaliamiit oqaaseqaammik pissarsiniarnissaat naleqquttutut nalilerneqarpoq.

Nr. 3-mut

Allannguut teknikimut tunngasuvoq, oqaaseqaatini taamaallaat iluarsinerusoq aammalu nutserinnermi kukkunerni.

Unammilleqatigiinneq pillugu Inatsisartut inatsisaanni atuuttumi tamanut ammasuuneq pasinartuutitsinerlu tunngaviupput pingaarnertit. Inerteqquteqarnermik tunngaveqarnerup atulersinneranut atatillugu tunngaviit taakku marluk atorunnaarsinnissaat siunnersuutigineqarpoq, tamanna unammilleqatigiinnermut inatsisip pingaarnertut siunertaata anguneqarnissaanut sakkutut pingaaruteqartutut isigineqarmat.

Siunnersuutip kinguneraa paasinartuutitsinerup tunngaviunerata atorunnaarsinnera. Imm. 1-imi siunnersuutigineqarpoq unammilleqatigiinneq pillugu inatsimmi suliasat nalinginnaasumik tamanut sqqummiunneqartassanngitsut Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat malillugu. Taamaattoq unammilleqatigiinneq pillugu inatsit malillugu suliasat aalajangerneqartarnerat pillugu suliasat tamanut saqqummiunneqartassasut, tassani Naalakkersusisut Unammilleqatigiinnermut Ataatsimiititaliaq oqaaseqartittassavaat, imaluunniit Unammilleqatigiinnermut Ataatsimiititaliaq nammineq malittarisassiussalluni. Malittarisassaq taanna malillugu paasitinneqarsinnaatitaanermut inatsit taamaallaat atorneqassaaq unammilleqatigiinneq pillugu inatsit malillugu suliasat aalajangersagaliuuffigineranni.

Ataatsimut tamaat isigalugu tamanut ammasuunissamik atuutitsinnginnissamik aalajangersagaqarneq nassuiarneqarpoq, suliffeqarfimmut pineqartumut annertuumik aningaasatigut ajunaarsinnaanera aamma tamanut takusassiinikkut imaluunniit tunniussinikkut suliffeqarfiit allat unammilleqatigiinikkut pisariaqanngitsumik iluaqusiinikkut.

Aalajangersagaq qallunaat maannakkut atuuttumi unammilleqatigiinnermut inatsisaat nr. 384, 10. juni 1997-imeersumi kingusinnerusukku allannguutitalimmi taamaaqataanik aalajangersakkanik aallaavigineqarpoq. Aalajangersakkap nassuiarnissaanut nunatsinni eqqartuussivitsigut periaatsit naammassanngippata qallunaat inatsisaanni § 13-i malillugu periuseq nassuiaanermut atorneqarsinnaavoq, taamaattorli Kalaallit Nunaanni pissutsit eqqarsaatigalugit.

Siunnersuutigineqarpoq suliffeqarfiit suliamut pineqartumut ilaanngikkaluarlutik imminnut tunngasunik paasissutissinneqarsinnaanissaat. Pisortat aqutsinerat pillugu Inatsisartut inatsisaanni § 4, imm. 2 malillugu naminermut tunngasunik periarfissap tunngaviunera (egen access), sulianut tamanut unammilleqatigiinneq pillugu Inatsisartut inatsisaat malillugu aalajangiiffigineqartussanut atuuppoq.

Pisortat ingerlatsinerat pillugu paasitinneqarsinnaatitaaneq pillugu inatsisartut inatsisaanni § 6-i aamma atuuttusoq pillugu ilanngussinermi oqaasiinnakkut paasissutissiinernik pisortatut oqartussat allataqarnissamik pisussaaffeqarnerat suliani aamma unammilleqatigiinneq pillugu inatsisartut inatsisaat malillugu aalajangiiffigineqarsimasuni atuuttoq erseqqissarneqarpoq.

Aamma siunnersuutigineqarpoq paasissutissat Unammilleqatigiinnermut Ataatsimiititaliap unammilleqatigiinneq pillugu Inatsisartut inatsisaat malillugu pissarsiai aqutsisoqarfimmullu allamut ingerlateqqinneqartut

paasitinneqarsinnaatitaaneq pillugu pisortat aqutsinerat pillugu Inatsisartut inatsisaat malillugu aalajangikkanik ilisimasaqarnissap ataaniissanngitsut.

Nr. 4-mut

Allannguut teknikimut tunngasuvoq, oqaaseqaatinik taamaallaat iluarsiiineroq.

§ 17, imm. 1 malillugu Unammilleqatigiinnermut Ataatsimiititaliap Inatsisartut inatsisaata matuma taannalu malillugu aalajangersakkat eqqortumik atortinnissaat nakkutigissavaa, taamaattoq tak. § 2, imm. 4.1.pkt aamma § 12, imm. 3, 1.pkt. taakkunani takuneqarsinnaalluni unammilleqatigiinnermik killiliineq pisortat aqutsinerata il.il. toqqaannartumik pisariaqartumillu kingunerineraat pillugu aalajangiisussaasoq naalakkersuisut, suleriaatsimilu naalakkersuisunut ilaasorta aqutsinnermut tamatumunnga akisussaavoq.

§ 17, imm. 1, pkt 3-mi oqaasiliornertigut "Unammilleqatigiinnermut Ataatsimiititaliap aalajangissavaa suliaq misissussallugu aalajangiiffigissalluguluunniit naammattumik patsisissaqarnersoq" erseqqissarneqarpoq naammagittaalliuut pinnngitsoorani suliarissallugu pisussaaffiunngitsoq. Tassalu Unammilleqatigiinnermut Ataatsimiititaliap, Unammilleqatigiinnermut Ataatsimiititaliap suliaassaata tullerriaarnerat tunngavigalugu, aalajangersinnaavaa naammagittaalliuutit pingaaruteqannginnerusut suliariumanagit. Tassalu Unammilleqatigiinnermut Ataatsimiititaliap suliat suliariumannginniissaannut annertuumik pisinnaatitaavoq. Tassalu Unammilleqatigiinnermut Ataatsimiititaliap suliaq suliarineqarnerani sukkulluunniit naammagittaalliuut naammagittaaliuutai tamaasa ilaannaaluunniit suliariumanngissinnaavai. Tassalu pingaaruteqarpoq eqqumaffigissallugu assigiinngissuteqarsinnaammat naammagittaalliuutit isumaa aallaavigalugu pisortat nukissaat qanoq annertutigisut suliamut atorumaneqarnersut, inatsisillu malinneqarnissaanut pisortat soqutigisaat aallaavigalugu, kingumoortumik siumoortumillu, nukiit atugassat suut naapertuuttuunersut.

Tassalu Unammilleqatigiinnermut Ataatsimiititaliap aalajangersinnaavaa suliamut aalajangiiumanani. Soorlu taamaattoqarsinnaavoq suliaasaq Unammilleqatigiinnermut Ataatsimiititaliamut saqqummiunneqarpat, paasinarsippallu Unammilleqatigiinnermut Ataatsimiititaliap aatsaat aalajangiisnaasoq suli nukinnik atuiiffiunerusumik misissuinerit aallartereertinnagit. Tamanna pingaaruteqarpoq Unammilleqatigiinnermut Ataatsimiititaliap aamma Unammilleqatigiinnermik Nakkutilliisut nukiisa sapinngisamik pitsaasumik atornissaannut naapertuuttumillu tullerriaarinissamut.

Aamma naapertuuttuunngilaq Unammilleqatigiinnermut Ataatsimiititaliap nukiit atussappagit suliaq suliareqqinnissaanut suliffeqarfiup neriorsuineratigut Unammilleqatigiinnermut Ataatsimiititaliap akuerisaatigut naammasseriikkamut. Taamaattumik Unammilleqatigiinnermut Ataatsimiititaliap suliaq suliffeqarfiit kalluarneqartut § 20 malillugu neriorsuuteqarneratigut inerneqarsimasoq suliariumanngissinnaavaa. Suliffeqarfiup allap niuerfimmittup aalajangiineq taanna

naammaginngikkuniuk taarsiullugu eqqartuussisunut nalinginnaasunut suliaassanngortittariaqarpaa.

Kisianni § 8 malillugu ilaanngitsoortitaanerit kiisalu § 9 aamma § 11, imm. 4 malillugit akuliutinnginnissami nalunaarutit pillugit Unammilleqatigiinnermut Ataatsimiititaliaq suliaq suliarissallugu aalajangiiffigissallugulu pisussaataavoq

Pisortat aqutsinerat imaluunniit tapiissuteqartarnerat unammilleqatigiinnermut ajoqusiilluni sunniuteqartillugu Unammilleqatigiinnermut Ataatsimiititaliaq tunngavilersorneqartumik Naalakkersuisunut oqaaseqaateqarsinnaapput, siunnersuummi § 2, imm. 5 naap.

Kiisalu Unammilleqatigiinnermut Ataatsimiititaliaq pisinnaatitaavoq allaffissornikkut maleruagassiat pillugit Naalakkersuisunut oqaaseqaateqarnissamut.

Nr. 5-imut

Allannguut teknikimut tunngasuvoq.

Nr. 6-imut

Allannguut teknikimut tunngasuvoq.

Nr. 7-mut

Allannguut teknikimut tunngasuvoq.

Nr. 8-mut

Allannguut teknikimut tunngasuvoq.

Nr. 9-mut

Allannguutissatut siunnersuutip kingunerissavaa imm. 1-3-mi piffissaliussat sivitsorneqarsinnaaneritut piginnaatitaaneq Unammilleqatigiinnermut Ataatsimiititaliamiit Unammilleqatigiinnermut Nakkutilliisoqarfimmut allanngortinneqarnera.

§ 23 naapertorlugu nakkutilliilluni misissuinernik Unammilleqatigiinnermut Nakkutilliisoqarfik isumaginnittuvoq.

§ 23, imm. 1-3-mi piffissaliussat naammassineqarnissaannut Unammilleqatigiinnermut Nakkutilliisoqarfik pisussaaffeqarpoq piffissaliussallu

sivitsorneqartariaqarnerinut naliliinissamut taamaattumik qaninneraalluni. Taamaattorli erseqqissarneqassaaq Unammilleqatigiinnermut Nakkutilliisoqarfik taamaallaat immikkut ittumik pisoqartillugu piffissaliussanik sivitsuisinnaammat. Piffissaliussat sivitsorneqarnissaannut isummernissaq, piffissaq nunallu isorartunera eqqarsaatigalugu, Unammilleqatigiinnermut Ataatsimiititaliamut ajornartorsiutinik kinguneqartitsisinnaavoq.

Nr. 10-mut

Allannguutip kinguneraa aqutsinerit aalajangiinerilluunniit nalunaarutigineqartussaeneri pillugit Nunatta Eqqartuussiviani misilinneqarsinnaaneri, § 2, imm. 6 naap. § 2, imm. 6 malillugu aalajangiinerit pisortatut oqartussat Unammilleqatigiinnermut oqartussanut paasissutissanik tunniussisinnaanerinut pingaaruteqarput. Paasissutissat, unammilleqatigiinnermut pingaaruteqartunik aqutsinerit aalajangiinerillu pillugit unammilleqatigiinnermut oqartussat ilisimatinneqarnissaannut qulakkeerinnittut. Allannguutip aamma nalunaaruteqartussaaneq pillugu aalajangererup aalajangersimasup pisortatut oqartussat naammagittaalliutiginneqarnissaannut periarfissaqalernerat qulakkiissavaa. Siunnersuummi § 2, imm. 6-ip ilanngunneqarnera aamma aalajangiinerit suut Nunatta Eqqartuussivianut suliassanngortinneqarsinnaaneri eqqarsaatigalugit siunnersuummi allatigut aaqqissuussinnermut naapertuuppoq.

Nr. 11-mut

Allannguut teknikimut tunngasuuvoq.

Nr. 12-mut

Imm. 1-imut

Imm. 1-imi siunnersuutigineqarpoq Inatsisartut inatsisaat 1. marts 2008-mi atuutilissasoq. Taamaattoq siunnersuutigineqarpoq Unammilleqatigiinnermut Ataatsimiititaliami § 17, imm. 3 aamma § 18 ulloq 1. december 2007 atuutilissasut. Taamaaliornikkut qulakkeerneqassaaq unammilleqatigiinnermut ataatsimiititaliamik nutaamik inatsip atuutilinnginnerani allaffissornikkut malittarisassanik ilassutinik suliaqarnissamut peqataasinnaasumik pilersitsisoqarnissaa. Piffissami 1. december 2007-mit 1. marts 2008-mut unammilleqatigiinnermut ataatsimiititaliaq ullumikkut atuuttoq nutaarlu peqatigiillutik ingerlasinnaassapput.

Piffissami tassani Inatsisartut inatsisaat pillugu pisariaqartumik paasititsiniaanissamut Unammilleqatigiinnermik Nakkutilliisoqarfik periarfissaqarumaarpoq. Piffissami tassani Unammilleqatigiinnermik Nakkutilliisoqarfik aamma § 8, imm. 2, § 9, 2. pkt., § 11, imm. 6 aamma § 12, imm. 6 naapertorlugit nalunaaruteqartarneq pillugu maleruagassanik piareersaasinnaassaaq, peqataanillu nalunaarutinut siunnersuutinik pisariaqartunik

sanasoqarsinnaassalluni Naalakkersuisut Unammilleqatigiinnermut Ataatsimiititaliamit oqaaseqaammik piniareernermit § 2, imm. 7, § 4, imm. 2, § 7, imm. 6, § 10, § 12, imm. 4, § 13, imm. 2 aamma § 14, imm. 2 malillugit atortuulersikkumaaganik.

Unammilleqatigiinneq pillugu Inatsisartut inatsisaata nr. 28, 30. oktober 1992-imeersup atorunnaarsitaanera peqatigalugu aalajangersakkat inatsit taanna tungavigalugu pilersitaasut atorunnaassapput.

Imm. 2-mut

Inatsisartut inatsisaata atuutilerfiani unammilleqatigiinneq pillugu Inatsisartut inatsisaat nr. 28 30. oktober 1992-imeersaq malillugu naammassineqarsimanngitsunik suliaqarpat taakkua atorunnaassapput. „Naammassineqartut“-mik oqarnermi suliat Unammilleqatigiinnermut Ataatsimiititaliamit imaluunniit Unammilleqatigiinnermik Nakkuatilliisoqarfimiit inaarutaasumik aalajangiiffigineqarnikut pineqarput. Tamannali atuutinnigilaq sulianut naammagittaaliuut tungavigalugu suliarineqartunut, tassami suliat taakkua Unammilleqatigiinnermut Ataatsimiititaliamut nutaamut ingerlateqqinneqassammata Inatsisartut inatsisaanilu matumani aalajangersakkat malillugit naammassineqassallutik. Aamma suliat Inatsisartut inatsisaata atuutilernerani Nunatta Eqqartuussiviani imaluunniit Ustre Landsretimi ingerlasut unammilleqatigiinneq pillugu Inatsisartut inatsisaat nr. 28 30. oktober 1992-imeersaq malillugu inerlugit suliarineqartussaassapput. Kisianni Nunatta Eqqartuussivia aamma Ustre Landsret suliamut nalileereernerisigut aalajangerneqarsinnaavoq suliaq ingerlasoq inerlugu suliariumanagu Nunatta Eqqartuussivia aamma Ustre Landsret isumaqarunik aalajangiineq inatsisitigut soqutiginaateqanngitsoq

Imm. 3-mut

Siunnersuutigineqarpoq imm. 3-mi, isumaqatigiissutit unammilleqatigiinnermik killiliisut, aalajangikkat aamma periutsit ataqatigiissut Inatsisartut inatsisaata atuutilernerani atuuttut § 6-imilu inerteqqutit pillugit aalajangersakkanut atasut Inatsisartuit inatsisaata atuutilerneraniit qaammatit arfinillit ingerlaneranni suliaassanngortinneqarsinnaasut § 8 malillugu pinngitsuutitaanissaq siunertaralugu.

Isumaqatigiissutit, akuersissutit aamma periutsit ataqatigiissut unammilleqatigiinnermik killiliisut § 6-imi inerteqqutinut ilaasut Inatsisartut inatsisaata atuutilerneraniit qaammatit arfinillit ingerlaneranni suliaassanngortitaasut sunniutigissavaat atorsinnaassagamik aamma § 29, imm. 1, nr.1 malillugu unioqqutitsinermik pineqaatissiisutaasinnaasumik kinguneqassannginnamik, Unammilleqatigiinnermut Ataatsimiititaliap nutaap § 6 imaluunniit § 8 naapertorlugit qaammatit pingasut qaangiutereernerisigut aalajangeereernissaata tungaanut.

Unammilleqatigiinnermut Ataatsimiititaliaq aalajangiippat isumaqatigiissut § 8 malillugu pinngitsuutitaanissaq, pinngitsuutitaaneq ullormit nalunaarutiginninnermiit atortuulissaaq.

Akerlianik Unammilleqatigiinnermut Ataatsimiititaliaq isumaqarpat § 8, imm. 1 malillugu pinngitsutitsisoqarsinnanngitsoq, tassa isumaqatigiissut, akuersissut imaluunniit periuseq ataqatigiissoq inerteqqutaasut, atorsinnaannginneq § 6, imm. 5-imi pineqartoq atuutilissaaq aalajangiinerup qaammatit pingasut qaangiutereernerisigut.

Isumaqatigiissut unammilleqatigiinnermik killiliisoq aalajangigarluunniit qaammatit arfinillit piffissarititaasut naatinnagit nalunaarutigineqanngikkunik, isumaqatigiissut aalajangigarluunniit atorsinnaajunnaassapput. Aamma inerteqqummik unioqqutitsinnermut akileeqqusisoqarsinnaavoq inatsisip atuutilerfianiit.